

13-րդ շաբաթ

Թեմա՝ «Շաբաթվա ամփոփում»

Ա. Ստորև տրված հարցերի օգնությամբ կառուցել 5-10 րոպե տևողությամբ բանավոր տեքստ և ներկայացնել այն լսարանին:

Հարցեր՝

1. Ի՞նչ եք արել դուք անցնող շաբաթվա ընթացքում:
2. Ի՞նչ իրադարձություններ են տեղի ունեցել անցնող շաբաթվա ընթացքում:
3. Ե՞րբ է տեղի ունեցել դեպքը:
4. Որտե՞ղ է կատարվել դեպքը:
5. Ի՞նչ հանգամանքներում է տեղի ունեցել դեպքը:
6. Ովքե՞ր են իրադարձության մասնակիցները / կազմակերպիչները:
7. Ինչպե՞ս ենք մենք տեղեկացել դրա մասին:
8. Ի՞նչ ազդեցություն է ունեցել իրադարձությունը աշխարհի/երկրի/ընթերցողների վրա:
9. Որքանո՞վ է աննախադեպ տեղի ունեցածը:
10. Ի՞նչ կապ ունի իրադարձությունը ձեզ հետ:

Տեքստ կազմելիս ըստ ցանկության օգտվել առաջարկվող բառերից, բառակապակցություններից և այլ արտահայտություններից:

Կիրառելի բառեր և արտահայտություններ`

լուրեր	բացահայտումներ
նորություններ	շնորհանդեսներ
միջոցառում	հիշարժան օրեր
ծնունդ	անակնկալ
մահ	երկար սպասված
բնական աղետներ	ուրախալի
հայտնագործություններ	տխուր
հանցագործություններ	կարևոր

Բ. Յուրաքանչյուր ուսանողի ներկայացրած տեքստի հիման վրա, այլ տեղեկություններ ստանալու կամ տրված տեղեկությունը ճշգրտելու նպատակով տալ և ստանալ լրացուցիչ հարցեր` երկխոսելով մյուս ուսանողների հետ:

Բնագրի նմուշ`

Ես իմ օրը սկսում եմ մարմնամարզությամբ: Անում եմ այն նախագծերը և ընտանեկան նախագծերը, որոնք հանձնարարություն են ստանում: Ընտանիքիս հետ կամ ֆիլմ եմ դիտում, կամ` խաղ խաղում: Ինքս ինձ կրթում եմ մարզվել ամեն օր: Օրվա ազատ ժամանակս տրամադրում եմ տարբեր տեսանյութեր նայելուն և (մեկ-մեկ) խաղալուն: Ընտանիքով խաղում ենք Blokus:

Մյուսներին առաջարկում եմ խաղալ կամ զբաղվել իրենք քույրերի կամ եղբայրների հետ: Համացանցից շատ նյութեր չեմ կարդում: Ավելի

շատ տեսանյութեր եմ դիտում: Կարդում եմ եմ Ռաֆայել Սաբատինիի «Նավապետ Բլադի ողիսականը»: Ես նայել եմ այս ֆիլմերը՝ Առյուծ արքան, Առաջ, Թագուհին Կատուեից, Գրինչ, Ճաղատ դայակը, Նապաստակ Ջոջոն և այլն:

Աղբյուր՝ levonghahamqaryan.wordpress.com/2020/04/04/թե-ինչ-եմ-արել-այս-շաբաթ/

Բնագրի նմուշ 2՝

Ներկայացնեմ ապրիլի 20-24 շաբաթվա պատումը:

Այս շաբաթ նույնպես տեսադասեր ենք անցկացրել, կատարել ենք առարկայական հանձնարարություններ: Ես դասերս պարտաճանաչ եմ կատարում: Գիտե՞ք, մեր ընտանիքի սիրած սեղանի խաղերից է շախմատը: Ես և հայրիկս խաղացինք շախմատ:

Պարզ է, որ հայրիկս հաղթեց, բայց ես չեմ ընկճվում, քանի որ հասկանում եմ, որ ամեն անգամ, հայրիկիս հետ շախմատ խաղալով, մի նոր բան եմ սովորում:

Ասեմ, որ ամեն օր ընտանիքիս հետ ժամանակ եմ անցկացնում: Քնից վեր եմ կենում, հագնվում եմ, լվացվում եմ, սանրվում եմ, նախաճաշում և դասերս եմ կատարում: Ընթացքում մի փոքր խաղում եմ պլանշետով, իսկ հետո ընտանիքիս հետ բազում խաղեր ենք խաղում, իրար հետ ընտանեկան ֆիլմեր ենք դիտում:

Աղբյուր՝ petrosyanemma.wordpress.com/category/մայրենի/page/2/